

書名 空同先生集六十三卷 嘉靖九年序刊本
撰者 明 李夢陽 撰
卷 卷二十六
內容分類 集 別集-明中葉
索書號 倉石:40084
編號 4008000

卷二十六



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在下
江河逆矣
天喬喬天

北郡李夢陽撰

鈍賦

述征賦

宣歸賦

寄兒賦

竹石賦



空同先生集卷第二十五
詩
蓋沾卷袖摘徑滑倩人扶莫謂無開霽斜陽酒重沾
寄鄭生二首

故菊開誰對新醪悵爾違耳憎木葉下心與塞鴻歸
兒女催蓬髮家園滯綵衣問君稱慶暇何處採山薇

二

節序仍黃菊乾坤更白頭文章寧益世衣食暫寬憂
遇客誰談劍思君獨倚樓遠江寒細細似有北行舟

空同先生集卷第二十五

空同先生集卷第二十六

北郡李夢陽撰

詩 五言律詩一百首

贈答四十六首

月夜繁臺會兩監察首二送李生還郡二首

甥嘉北來出其謁逢于廟之作予爲和之嘉

時謫茂州判

送甥嘉之茂州次玉溪侍御韻三首

郊園遲王豸使不至 王豸使至復有此賦

王豸使旣返東月皎升乃與李曹二子徑觴

吹臺之巔口占柬王子

空齋集卷之六
秋日呂公西園同玉溪侍御二首

西園酒半會玉溪侍御瓜代報至再賦二首

見和君病起鬚白輒有所贈亦答其酒過

和公卿生行經鳳陽 初冬見雪和鮑生

鄭生至自泰山二首 寄鮑崇儒

送趙訓學滿歸二首 秋過內弟漫賦二首

贈曠生二首 七夕雪臺子過東庄

贈程生東遊 寄題高子君山別業

立春柬鄭生問其愁病

送劉子赴徵 冬日寺集觀趙帥射

丁亥與食東養素

喜程生自吳中回致五嶽黃山人音問二首

伏日載酒尋高司封讀書處

懷五嶽山人黃勉之 郊居東竹溪子

聞吳郡黃山人將遊五嶽寄贈二首

東庄冬夜別程生自邑

己丑八月京口逢五嶽山人

京口楊相國園贈五嶽山人

時序四十四首

九日黃花鎮 九日應變齋居

九日慈恩寺閣二首 生日寫懷

十二月十日 臘日選朝口號

七月十五月食不見追往

月食

元日汴上雪霽

清明河上寓樓獨酌

庚午除日

辛未元日

中秋南康

廬山九日

上元滕閣登宴二首

九日萍樓會集二首

清明曲江亭閣

端午贛州晚發

南康除夕

南康元夕二首

元夕風起南康

乙亥立秋

中秋二首

戊寅元夕

中秋喜客携酒見

十月月食不見

巳卯元夕

庚辰清明東郭

九日上方寺二首

至日夜雪

癸未中秋不月

乙酉上元上方寺

丁亥立秋

中秋亭會

戊子元夕

巳丑五日

五日庄上集

悲悼十首

乙丑逢先大夫誕辰是歲適蒙 恩詔加贈

製字四十用寫哀痛

兄以西堂落成蓋悵然有念於二親余心交

痛頌義追德爰成茲詠焉

讀直道陳公祚遺事 哭郡守郝公

哭張子二首

謁平臺先生墓

溫將軍輓詩

聞鄭生死豐沛舟中

贈答四十六首

月夜繁臺會兩監察二首

路葉風交落臺驄晚並行時寒物色換意遠世緣輕
異國同觴地危樓片月情暝烟凭檻裏汴水凍猶聲

二

萬里危樓夜中天朗月時快心真託酒疑望轉停卮
野色霜元迥林光燭並移依依簷畔鵲先占獨栖枝

送李生還郡二首

宦美庭闈隔清深郡檄催臘江舟自穩暮日首頻回

洞橘黃金摘吳魚白雪來汝親知更樂願展治邦才

伯道吳門水梁公冀北雲依親歲聿暮趨郡袂還分

臘動蘇臺色春回震澤薰重過應未遠良吏漢廷聞

甥嘉北來出其謁逢千廟之作予為和之嘉

時謫茂州判

汝謁雙忠廟徘徊幾度吟暴雲連海白積水帶城陰
自攷看碑淚誰知駐馬心未須悲遠竄不死是恩深

送甥嘉之茂州次玉溪侍御韻三首

已詫齊東謫能堪蜀道行自甘窮塞竄爭柰倚閭情
劔閣雲中棧蓬婆雪外城大江秋見底待爾漣長纓

謫蜀過謁雙忠之
祠 曹嘉
直諫匡前代孤忠激
後臣光猶爭日月豈
變松筠吊古千行淚
投荒萬里身回思犯
顏日斧鉞在楓宸

兩度微官詢孤身絕塞行
淡廷收瘴淚蜀道難離情
王堂蘇武國龍標劍閣城
乾坤形勝地何處掛冠纓
我有龍淵物誰云馬道難
橋橫江不關嶺度雲空盤
感慨悲前事感後想舊官
投荒吾不恨指伴萬人看
陸海功難就排山力漸消
花心傷繡斧馬皮遺繩橋
郡國西荒盡星辰北極遙
賜環竟何日含淚望中朝

二

蜀道元非易人言此更難
虎風生萬壑蛇徑動千盤
北望常思闕西來不為官
無言羗性異汝當郡民看

三

雪山天地外經夏雪難消
氣冷三城戍光通萬里橋
誰言州不好汝去路寧遙
縱使胡笳夜猶能夢入朝

郊園遲王豸使不至

豈少銀鞍馬衝泥許故游
清風微進草晴日澹生秋
掃徑童將倦看籠鶴但收
異時高李會佳跡至今留

王豸使至復有此賦

晴游番幸雨午出更便風
柳重陶潛宅花霑御史廳

王豸使至同賦 曹嘉

雨後青輿馬風前綠綺
琴檻紛蘭菊色林響鹿
麋音野馬適人性秋虫
助客吟煩襟應盡解襟
屐坐松陰
王豸使既返同賦 嘉
皎秋圓月亭三夜迢
臺光隨車馬上步接斗
牛迴賦雪鄒枚跡臨風
李杜杯猶憐朱絃客不
共坐莓苔

達人元野性濁酒本村翁
酌罷桑麻晚歸燈一徑紅

王豸使既返東月皎升乃與李曹二子徑觴

吹臺之巔口占柬王子

王歸不待月二子共登臺
天地劃然皎山河相盪迴
虫鳴崖底葉鴈影掌中杯
為問山陰客還能棹雪來

秋日呂公西園同王溪侍御二首

圃勝城能曲臺高野更秋
席陪驄馬出情為碧雲留
移坐鋪林葉添樽面水流
潛思歌舞地指點問王州

二

入院看垂柿臨畦羨引泉
寒萋自滿地踈樹不妨天
野老疑旌旆林鳥下酒筵
無云但游衍公意在桑田

王子一作黃子

西園酒半會玉溪侍御瓜代報至再賦二首
北使還朝近西城返照深霜情留果實晚意付花心
風助林臯爽雲橫海嶽陰茲游如在念應有寄南音

二

勝地留賓切離筵散酒遲網魚生躍案摘棗脆連枝
草夕鳴蛩動天秋過鴈知河橋明日事願盡掌中卮
見和君病起鬚白輒有所贈亦答其酒過

詫汝鬚添白將無病苦形眼前真過隙身外是浮萍
客到留碁局兒呼檢藥經昔人曾頌酒吾意不如醒
和鄭生行經鳳陽

浩蕩興龍地盤旋踞虎形海吞淮水白天插楚峯青
帝宅精靈聚陵宮虎豹扃萬年裡祭禮有道賴朝廷
初冬見雪和鮑生

密雲初布暝踈雨忽成花氣淺冰從薄寒輕白自斜
敝裘誰念汝孤棹獨思家江上冥冥鴈春風遲去槎
鄭生至自泰山二首

昨汝登東嶽何峯是絕峯有無丈人石幾許大夫松
海日低波鳥巖雷起窟龍誰言天下小化外亦王封

二

俯首無齊魯東瞻海似杯斗然一峯上不信萬山開
日抱扶桑躍天橫碣石來君看秦始後仍有漢皇臺

寄鮑崇儒

去日猶零雪庭葵遽復花新詩誰和汝父客自成家
水國乾侵夏田風莽帶沙長淮日易暮珍重早棲雅
鴉

送趙訓學滿歸二首

六旬千里客九載一羶歸路遠琴書重官貧妻子饑
塞雲迎老髮河色戀征衣會有秋行伴關山新鴈飛

二

宋代陳無已唐時鄭廣文道高官獨冷名美世同聞
汝挈一羶去予憐雙袂分潛潛白首淚長向渭西雲

秋過內弟漫賦二首

赫赫乘龍地蕭蕭羅雀門桑麻猶世業書史但兒孫
數過看顏帖今來為菊樽顯親君太晚願化北溟鯤

二

主賓俱不飲相對坐同深幸有黃花興無論白髮心
游蛭紛落日高葉下踈林靜裏聞鴻鴈疑添往歲音

贈陳生二首

一本作贈陳生嘉言二首

少小期鵬運于今尚未飛蒿深仲氏宅鷄結憲生衣
背郭元桑樹臨河只釣磯奉親知不苦饌有白魚肥

二

白屋山中相黃河水後田家無釀酒秫人索買書錢
雨過雲流野風來浪接天行行牛角上猶掛古人編

七夕雪臺子過東庄

村落元相接園林亦互游酒天携榼就花夜對牀留

贈陳生同賦 曹嘉
獨坐去洲釣深棲仲
蔚蓬人呼白衣相家
有玉環童澤近蛟常
雨林空鳥易風葉茂
霜露寒誰米最高甚

忽爾雙星候冷然萬木秋誰期白頭日蕭灑共丹丘
贈程生東游

鄒魯風猶在芒碭氣有無霸心空大澤儒行乃長途
野艇冰迷鴈村樓凍集鳥無勞怨歲暮隨處是江湖
寄題高子君山別業二首

君山者江陰縣之北山也高子獲焉於是自稱
君山主人予聞之爲作君山詩寄焉

一山背城起萬古號爲君秀攬江心月雄吞海面雲
金陵通地脉玉港發人文羨彼投簪客中年卧紫氛

二
春札墳邊業春申邑後山一江平展鏡兩港曲成環

不雨雲烟擁長春草木斑隱君梯萬丈倘許世人攀
立春柬鄭生問其愁病

天涯春又至游子近如何病久詩難減鄉遙夢易多
藥苗春尚雪舟楫海初波舊業方山下東風偏綠莎
送劉尹赴徵

戀別當炎暑淹留到夕暉徵書昨日下午循吏古人稀
風樹涼移席庭萱晚就衣明朝五雲裏爭看兩鳧飛
冬日寺集觀趙帥射

萬里橫霜氣長風快順毛將軍隻弩發壘中兩鴻號
取石敲新火開鮮弄寶刀回頭問僧者何處得醇醪
丁亥寒食柬養素

細雨穠花候高齋獨坐辰春風無病物清世有閒人
樹濕鶯穿穩泥香燕下頻遙思養素者何處卧松筠
喜程生自吳中回致五嶽黃山人音問二首
爛熳梁園樹江舟爾恰迴苑桃惟舊列墻柳半新栽
枝爲來人媚花迎笑口開吳門春更好幾上虎丘臺

二

黃子吾真畏程生爾更奇江城傾蓋日渭北暮雲時
寶劔神終合冥鴻性不移忽思千里駕慚愧昔人爲
伏日載酒尋高司封讀書處

鄭門古城曲小築成幽園爲厭朝簪擾兼辭人境喧
矮堂交雜樹炎日駐游軒默默林中意相看對一盃

二

養寂爲園卧尋幽當暑過林深得日薄地靜覺
舊業元杭稻新亭復薜蘿誰憐朱紱客遽戀白雲窩
懷五嶽山人黃勉之

吳下元多士黃生更妙才心常在五嶽名已動三台
系自汝南出文從西漢來各天難見汝翹首獨徘徊
郊居東竹溪子

當春弄杯醜花落恨紛紛重來日復幾飛葉滿秋雲
寒流下鴈影古戍噪鴉羣殘菊猶堪把長謠獨憶君
聞吳郡黃山人將遊五嶽寄贈二首

昨報三吳客將尋五嶽遊薜蘿應製服春水正宜舟

二室雲中峻三花烟外浮住居吾幸適先肯到高丘

二

天柱峯頭雪蓮花嶺畔雲朗吟惟李白獨往更黃君
婚嫁今應早藜鞋有幸分共躋恒岱徧歸著五遊文

東庄冬夜別程生自邑

萬里孤村夜踈燈對語心風枝時響牖寒月故明林
秦隴新遊壯江湖舊恨侵側知南橐重爲有華山吟
巳丑八月京口逢五嶽山人

夜雨清池館晨光散石林一舟相過日千里獨來心
樹擁江聲斷潮生山氣陰異時懷舊意應比未逢深
京口楊相國園贈五嶽山人

遠客乘秋至名園水竹分林寒畚易雨池靜合偏雲
卧病思知己逢君愜素聞蕭蕭綠雲裏誰解有論文

時序四十四首

九日黃花鎮

黃花遇九日風雨不逢花水湧石梁斷溪吞山郭斜
將軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起秦陵年
聽鴈真無那看花益泫然將歸思臨水愁絕宋生篇

九日慈恩寺閣二首

寶地元依海珠林更假山登臨重九遇城闕五雲還

歌吹喧侯里邊烽入漢關望鄉歸未得能對菊花斑

二

勅寺四圍湖秋林層閣孤天空木更響風落帽還扶
魚群集下躍鳥影鏡中趨泛菊看山海寒烟暮有無

生日寫懷

臘日明朝是浮生此歲過黃雲薄暮積白髮向來多
壯士看雄劔幽人戀薜蘿異時論出處竊慮各蹉跎

十二月十日

今日吾兄壽蕭條自舉觴燕山非故里汴水亦他鄉
河鯉行思海原鷓飛畏霜客居憐小姪潛望白雲長

臘日退朝口號

霽色催寒臘鷄聲下紫宸至尊深抱戚粥食罷嘗新
官霧戎戎薄城鴉欵欵馴小臣憐歲序翹首待陽春

七月十五日食不見追往有嘆

月食今年再中元與上元春晴燈火亂秋暝雨雲繁
漢將高城壘胡塵滿塞垣孤臣萬古淚偏灑秦陵園

月食

有明終不滅暫掩亦何虧萬國喧呼地三更鼓角悲
輪生桂與發光復兔還隨顯晦每如此人生祇自疑

元日汴上雪霽

旭日薰江檻晴雲麗竹扉簷花雪色靜庭篠碧滋歸
歲月高兒女行燕老蕨薇眼看人共醉椒酒不堪揮

清明河上寓樓獨酌

一自違京邑飄飄嘆此遊桃花是往歲竹葉轉新愁
暮雨津城樹春帆水國樓汴河堤上柳烟色似皇州

庚午除日

于今將四十始悞昔年非白髮誰能那紅顏我漸違
行藏沙上鳥日月故山薇悵望勞歌起風河柳色歸

辛未元日

萬事渾如昨蹉跎四十臨取途傷老馬聞道愧前禽
日變風雲氣春生海嶽陰趁時聊物賞此外更何心

中秋南康

同是中秋月匡廬只自看故臨石鏡上偏傍落星

北望關山隔南飛烏鵲寒鳳歌喧太液光憶滿長安

廬山九日

廬山隨晚坐江漢淨秋襟九日黃花雨書堂紅葉深
細雲飄古帙寒兕吼空林不用風吹帽尊前有靜琴

上元滕閣登宴二首

滕閣上元宜章江登宴時衣冠還大國唐宋自殘碑
燈火闌堪凭風塵淚欲垂黃雲驅日暮回首見征旗

二

陽浦通新霧陰城帶古樓君王罷歌舞棟宇白雲留
草色歲年換客心江水流暮昏仍一望燈火萬家州

九日薛樓會集二首

不倦登樓目遙憐秋色重楓村疊暗浦霜日抱孤峯
楚越窻中地江山戰後容倚闌渾不語吾欲採芙蓉

二

恰送重陽日能禁孤鴈來林稀山盡出風順櫓齊開
况是薛樓會難孤江上杯菊芳看莫厭秋色異鄉催

清明曲江亭閣

寒食花爭麗豐江柳獨深此行元慷慨落日更登臨
浩蕩五湖際風煙千里陰坐看舟楫急徒切濟川心

端午贛州晚發

戲倦龍舟返吾驅彩鷁行晚天開古驛轉眼過孤城
嫋嫋雲生瀨悠悠弟憶兄泛蒲雖念我寧解嶺邊情

南康除夕

畏途值除夕會我得投閒海雪寒城古江春碧草邊
星河掛嶽樹燈燭熨歸顏竊計臨家日薔薇滿舊山

南康元夕二首

四海逢今夕孤城有獨身干戈猶野哭梅柳自江春
月向平湖滿鐙於靜夜親罷誼風乍起嗟爾楚南人

二

嘈嘈市鼓動松月靜吾門燈火思今夜風光滿故園
天明淹舞袖塵暗失游軒老鬢江山異愁看旌旆繁

元夕風起南康

嶽雲黃裊裊夜半忽淒風度市春燈亂穿梅野樹空

人依青岸酌月漾碧湖中擬盡江城賞無欺蠟炬紅
乙亥立秋

今日秋風起連年濕病蘇應時微雨歇候曉斷雲徂
已復寒蟬集空嗟蕙草孤步檐驚驟健一葉下庭梧

中秋二首

漢江江上月今夕去年看尚憶峴山曲秋城波色寒
故鄉仍節序衰髮且儒冠桂子真誰種天空落未乾

二

輝輝衆星沒宛宛孤輪高萬古今宵月青天首自搔
度閨螢息照懸樹鳥分毛寂寞枚乘筆空懷八月濤

戊寅元夕

春色閨冬後元宵驚墊邊軟塵欺月散繁火奪星懸
車馬中原地笙歌全盛年無勞驗花燼難測是皇天

中秋喜客携酒見訪二首

節有吾家會天能此夜陰蟾蜍逐月沒桂子落雲深
同是悲秋客况懷天柱心引盃光欲閃徙倚向東林

二

雲出真誰料月行應自如闇然花逕裏忽枉故人車
落葉近坐滿清光中夜舒杯來不須却此意合躊躇

十月月食不見

頗食天應苦當宵地故陰悲生十月雨狂阻萬方心
武解香燈聚霜林鼓角沉復光何處滿願逐翠華臨

已卯元夕

此夜門還閉中天月自看春催桂應發雪映兔猶寒
兒女添鐙鬧隣家品笛殘少時思可笑走馬向更闌

庚辰清明東郭

少日歡游處逢春老大悲強持盃酒勸怕遣落花隨
草木梁園在山河宋殿移上墳人盡返歧路獨含思

九日上方寺二首

賞時爭上塔乘月復登臺地盡中原入天空秋色來
望鄉番恨鴈有菊且銜杯却憶龍山帽徒增醉者哀

二

天地踈秋色樓臺啟客歌遠江寒自白落木晚堪多

月為銜盃出鴻於鳴磬過霜橫不歸去吾意在烟蘿

至日夜雪

至夜還深雪幽心獨小堂光雖奪片月寒恐妬微陽
壓竹寧迷翠沾梅秬辨香一聲何處鴈翅濕且高翔

癸未中秋不月

碧桂行青鳳嬋娟集玉樓世人寧解覩天意漫陰秋
雲逼初光布星隨滿夜收開晴即是月但遣一尊留

乙酉上元上方寺

地愛僧林僻人邀燈節游緣塋朝借馬改路晚登舟
春水鳧鷖滿夕陽鐘磬幽相留待明月簫鼓在中流

丁亥立秋

中秋亭會 曹嘉

新亭面皎月高宴列
中秋地故蟾疑動空
空霧自流杯傾承露
掌榻下摘星樓賓客
梁園勝今宵盡醉遊

次韻 曹嘉
燈光皎河漢寒夜倍
生春況是繁華國能
堪吏隱人千家餘鳳
管九陌競香塵獨和
開居詠憎看月勝銀
二首別本有之

火多常病熱殘暑特相欺今日涼風至颯然林竹披
聞鷄每起早省稼獨歸遲天地蕭條意何須一葉知

中秋亭會

老去真耽月更深且醉遊影沾如畏露光冷是分秋
望故吟清酒蟾應笑白頭恒星藏不見坐待彩波流

戊子元夕示甥嘉

皎月臨元夜和風入始春過冬猶望雪思世轉愁人
歌館喧鳴鼓遊車匝暗塵黑頭宜努力吾髮已如銀

己丑五日

往歲沾官扇含香拜玉墀只今飄白髮刈麥向東菑
樹樹鳴蜩日家家望雨時萬方多難意誰達聖明知

五日上集

園樹日佳色黃鸝時巧音美人翻紫馬携酒入花陰
艾席鋪能坐蒲觴乾自斟蜩鳴雖頗聒流轉是天心

悲悼十首

乙丑逢先大夫誕辰是歲適蒙

恩詔加贈

製字四十用寫哀痛

冬季十二日

老大思童日詩庭儼昔趨羈孤萬里外優渥死生俱
寂寞臨花誥幽冥列大夫西雲白蒼莽灑血望松楸
兄以西堂落成蓋悵然有念於二親余心交
痛頌義追德爰成茲詠焉

矯矯江都相凄凉楚穆生家貧無立業道大不求名

破甕常珠網空除任鳥行肯堂兄不忝應慰九原情

讀直道陳公祚遺事

上主能容直當言敢顧身累朝傳諫劄萬死作歸人
古廟禮花晚孤墳勁草春從來汨沒士特筆在詞臣

哭郡守郝公

征歛無休日斯人不末年曾聞溪虎避早見壁魚懸
頌碣留邊郡銘旌拂塞天九河一孤塚愁絕海門烟

哭張子二首

張子者平谷張子禴也以都御史鎮遼東顯矣
然無何卒李予者張之舊僚也聞之哀焉於是
作哭張子二章語曰歲在龍蛇賢人嗟張之卒

庚辰歲也

虎豹威邊日龍蛇哭爾年故人今若此吾道合潛然
部曲歸旌擁風雲舊國連薊門秋草徧何處是新阡

二

翰海龍真泣遼陽鶴竟歸壯心元鐵石神爽尚旌旂
光繞新埋劔香殘舊賜衣至今生仲達猶怯孔明威

謁平臺先生墓

豈說嬉遊路今成昔雍門平生馬公帳四海孔融尊
劔烏收殘草山河抱古原黃昏不忍去白日下蒿園

温將軍挽詩

不見千夫勇誰開百戰圍門猶森畫戟苔已蝕金衣

俎豆諸郎奮山河奕世輝黃昏兩白鶴偏繞北邙飛

聞鄭生死豐沛舟中二首

短劍英雄氣孤舟疾病身那知生別後竟作死歸人
汴柳詩筒斷江花總幔新白頭交誼者灑淚向殘春

二

客櫬收豐沛歸舟渺越吳扶持有令弟書劍付遺孤
墓草親朋隔山松舊業蕪當年走馬地魂繞孝王都

同賦二首 曹嘉
太初仙逝早少公暝
遊深詎謂方山客同
隨秋草隱野雲飄素
慢寒日下空林重念
群芳歎臨風涕滿襟
已逐河梁棹難招楚
澤魂何人收旅櫬有
客醉清樽浦月沉帆
影山花沒屐痕梁園
舊遊地風色自黃昏

空同先生集卷第二十六

空同先生集卷第二十七

北郡李夢陽撰

詩 五言律詩一百首

感述

古意

客散

省中春暮

聞砧

除架二首

望極二首

歸沐

賞遊

遊兵

觀雪省中

旅夜

詠史

定居

春日大梁東郭